



Vnd das ist das edelst vnd best circularorium vnder anderen allen. Aber schwerlich werden sie gemacht/ oder selten finden einen glaser der sie machen kan/ich doch machen gesehen hab/der zwey oder drey gulde kost hat.

ein wölcklin/oder trüber züfatz an dem boden sitzet/ so soll der darvon abgescheydet werden durch ein distillation/ vnd darnach widerumb gedistilliert in zirckels weis. Oder ob es bequemlich geschehen mag/ sol durch gelassen/ das ist abgelassen vnd abgeseigt werden in einander circularorium damit das grob verlassen werd im grund des vorigen faß.

Das neunnd Capitel lert dich
wie man distillieren soll circulariter zc.

Demas wie man holt bringen mag distillationes circularares. Als nu die materi zü dem offteren mal gedistillieret ist/ um vorgemelter massen/ zü der vollkümenseyt gebracht vnd beweret ist/ als ich oben gemeldet hab/ so soll der werckmann setzen das werck/ das er vollbracht hat/ in der obgemelten gleser eins/ welches du haben bist/ vnd das glash oder faß werd gesetzt in ein roßmüß/ das es circulariter distillieren möge/ od in getemperierten hütstagen/ in teglichen Sonnen schein/ oder in Balneum Marie/ des ersten grads 8 werme/ oder ein wenig meer. Oder aber züzeiten so es eingegraben ist in dem winter/ da ein warmer luft ist/ dann zü der zeit so ist ym ein kleine werme genug/ so die materi subtil vnd dünn gemacht ist/ vnd bald zü resoluiereu vnd dempffig ist. Vnd man soll es also lassen stan lange zeit/ im zirckels weis distillieren/ das es endlich in quinta essentiam die dir züwillen ist/ verwandelt werde/ wellicher zeychen werden wie oben/ das yz strenger geschmack hütweg gerhon werde/ vnd yz güter wolgeschmack zü neme/ überkümme ein lustbarlichen süßen geschmack/ der die menschen zühe das züvernemen.

Wann es sich aber begibt/ so man circulariter/ das ein ypostesis erscheinet/ das ist so

Sunder lereud oder der junger erfander diser küst genummen vnd verfassert hat in reinigung/ vnd subtilierung Quintam essentiam des weins oder anderer frucht/ als pflaumen/ kirsen/ vnd vil dergleichen. Darumb soll er glauben/ das in dergleichen auch geschehe in andern dingen/ als er bey denen als bey den experimenten gelert vnd erfahren hat. Darumb von der gesagten übertreflichen edelkeryt über die andir ding ist sie gleich einem himlischen corpus/ vnd ein himel Philosophorum genant Quinta essentia/ das fünfft wesen/ wann warumb sie ist vera Quinta essentia. So sie also gemacht/ ist fast gleich dem himmel. Wann als der himmel voll der sternen ist/ also mag mā züsetzen alle andere medicin/ welche medicin als die simplicia vnd composita/ alle yhre krafft vnd tugent an sich ziehen ist/ vñ widerumb von yhm geben im der würckung. Als das gestirn des himmels thüt/ durch die bewegniß der himmeln. Aber diexeil Quinta essentia mit grosser müß vnd arbeyt/ vnd verzuck der zeit das verdriessen gebürt/ gemacht wirt als genugsam dir geoffenbart vnd erkläert ist. Darumb wenig der menschen yetz geneyget seind das warlich zümachen.

Das zehend Capitel welches

dich leeret ein leichtren/ vnd geruigen weg auß züziehen Quintam essentiam.

B ij

Das erst buch.

Nach dem vnd ich verheissen hab in mächerley weis vnd form außzuziehē quintā essentiam das fünfft wesen dz ich dir gnügsam/doch schwerlich/mit grosser müß vnd arbeyt/vnd lang zeit geoffenbart/erklärt vnd gezeiget hab/ den waren vnd gerechten weg durch die bewerüg der hohen schül Sems/vnd Padua/in dem gehellen gar nahe alle Philosophi der geleerten in dem so man auß ziehen ist quintam essentiam des weins/vnd ander mer. 2c. als ich hernach offenbaren will. So aber grosse arbeyt/vnd langzeit vil müß vñ verdruß gebürt/mit allein auß grosser müß/arbeyt/vnd langer zeit/sunder auch auß/vnd mit grossen kosten/den vnd die züermeidē bedunckt mich fast nutz vnd güte sein/ ein andern geringern leichtern weg züerem vñd zewissen mit kleiner müß vnd arbeit/vñd on grossen kosten/doch mit bewerung vnd gehellung vil der Doctozum/vnd der geleerten in der kunst Philosophia genant. Vnd will das offenbare durch die leer Johannis Rubiciffi/mit solchem kurtzen behenden sin/mit kleinem kosten dem die rezunden würcker diser kunst gemeynlich vnd auch begirlich nachfolgen seind/züermeidē den grossen kosten vnd lang arbeyt/ee daß das sie nachfolgen dem waren vnd gerechten weg der experiment/vil irig würcküg mit nichten vollbracht wirt/mit allein omb verdruß oder kostens willen/sunder auch omb versammis andere yre geschafft vñd wegen blihen. Wol ist züberachtē die lieb der geystlichen vñd der müßig genge ander fantasy vñd melancoley züerreiben/Fürsten oder Herren durch die wolhabung das wol züwegen bringen mögen/nit durch yr eygne person oder yren leib. Sunder durch yr überflüssige habüg/des sie nit nordurfftig/sunder dē würcker diser kunst der das mit grossen fleiß/mit vñd arbeyt den Fürsten vñd Herren züwolgefallen vñd ym selber zühilff seiner narung thim ist/da er villeicht in ein andn weg vil schwerer grösser müß vnd arbeit haben müß.

So aber gemeynlich gesprochen wirt die bürd des geringern/oder leichtern theyls züerwölen/vnd die schweren züermeidē ist/so offenbar ich dir mit kurtzen worten/doch verstendlich dem würcker vñd liebhaber diser kunst. Den andern weg/also/das du nemeß den aller besten vñd stärcksten wein den du überkummen vñd haben mögest/laß dir den brennen zum vierden mal/als man dam andern gemeynen gebrennen wein brennet. Sarnach so werd er gedistilliert durch gleser in form vñd gestalt/als vor stat. So er aber wirt gedistilliert zum sibenden mal/durch die gleser vñd nit gebrennt als man gemeynlichen wein brennet besser ist es also volbracht. So der gebrennet wein oder das wasser gthon wirt in ein silberin oder zimmen geschütz/angezündert/wirt ganz vñd gar verbrant aller feichtheit in dem geschütz mangelen vñd entberen ist/dañ so ist es vollbracht zü der würckung dis wercks zü distillieren per circulationes/von dem ich oben vñd hie klärllich sagend dir zeygen will. Das werd gthon in ein glas gemacht von ein stück genant pellican/als kürzlich oben gemeldet vñd figuriert ist.

In dem haupt des glas ein loch dar ein/vñd daruß zehim was du circulieren wüt vñd das obertheil geschaffen als ein alembic/züentpfahend das von dem feur auffgestigen/vñd durch zwen arm widerumb abgestigen ist/werd in der mittē wider auffgestigen die werme des feurs/vñd wider ab durch die zwen arm in den boden/oder dz vnder theyl des glases.

Sein form vñd gestalt findestu am nächsten blat vor disem mit zweyen armen.

Das soll vermacht vñd wol verstopffet vñd verlutiert sein mit ein stücllin glas/oder mit ein glesen zapffen/des form vñd gestalt also geformiert ist.



Das kein geruch auß dē glas kummen ist/vñd stetigen auff vñd widersteigen/sich verkeret der genant wein in quintam essentiam das fünfft wesen

dz wir suchen vnbegehen/sinden wir durch das selbig distillatorium/wan der beste gebrant wein den man gemeynlichen hat / ist vernuscht mit den vier elementischen materien/durch görtliche günnung vnd offenbarung funden ist/den list durch stetriges auff vnd absteigen in dem instrument/circulationis/distillatorium / quintam essentiam züscheiden vnd verwechseln/von der zerstörlichen vnzerstörlich machen.

Als von dem überflus von den vier elementischen materien die da in yhm versamlet seind beweret wirt also. So man sehen ist durch ein auff vnd absteigen der distillation das grob vnd vnlauter/sö fast geschehen vnd gesubtiliert/vnd geleitert vö der groben elementischen zerstörlichen complexion. Was wirt dann geschehen so es tausent mal vnd noch vil mer auff vnd absteiget durch das distillatorium/on zweifel/dz es kumt zu so grosser hoher löblichkeit/die in yhm verborgen ist/ als es abgescheiden von dem versamleten/vnnd vnuermischer von dem zerstörlich ist. Gleicher wirt dem himmel der da ist vnzerstörlicher dan die vier element. Also auch ist quinta essentia züscheiden gegen vnserm leib. Vnd also alle ding vnder dem himmel gehorsam seind dem himmel/also seind auch vnderstehung die vier complexiones vn qualiter der vilsaltigen sublimierung/ vnd distillierung. So man erwan manch mal die sublimierung geschehen ist durch das distillatorium sol auffgerhon werden das löchlün oben in dem distillatorio/zübeweren sein würcklig ob es zu end vollbracht sey. Ist dan der geschmack vnd geruch gegenwertig so wunderbarlichen güte vnd wol riechen/das man kein irdisch ding in dem geschmack gleichen mag/vnnd erscheinet recht als wer der geschmack vnd geruch himlisch / ob dz in ein heimlichen vnd verborgē wüncel eines hauf auffgerhon würd das gantz hauf erfüllt mit dem güten geschmack/die vnstichtigen durch sein geschmack/dem selbigen wüncel des hauf nachfolgen werend/das doch zuuerwundern ist. Als dan hast du Quintam essentiam. Wer es aber sach/dz

nur funden würd sollicher geruch oder geschmack/so werd es wider verkleibt/vnnd verlutiert/wie dan oben gemeldet ist / vnd widerumb eingesetzt zu distillieren per circulationem/als hernach geoffenbart wirt also lang bis Quinta essentia erscheinet/vnd geoffenbart wirt durch den obgemelten geschmack vnd geruch. Hat auch mit allein den geruch oder geschmack/sunder ein vnzerstörlichere zerstörung gegen den anderen artzneyen. Hat auch nicht das breien in dem mund als der gebrant wein noch die wässerige feuchtigkeyt die verzert wirt durch das stetig auff vnd absteigen/also bleibet die irdische substanz an dem boden des glaz. Wan himmel vnd erden haben als wol compositiones oder versamlung als Quinta essentia von materien vngestalt. Aber nit als die sachen der vier elementen/sunder allein der hymel von ihnen geschehen/wan es ist so lauter vnd so reiner materi/darzu also löblich/das sie an der höchsten gestalt oder form kummen ist/vn als vollkummen bis das es von Gottes gewalt zergerat. Auch so ist das fünffre wesen vnzerstörlich gegen vnserm leib/ als der himmel gegen den vier elementen. Des gleichen gegen anderen medicinen ist es vnzerstörlicher. Wer es aber gantz vnzerstörlichen on alle gebrechen/so macht es vnserē leib ewig/das da verboten hat der schöpfer der natur/ vnnd aller creaturen/als er spricht in dem Psalter / das des menschen leben werd by sibentzig jaren vnd daruber mit müß vnd arbeyt. Darumb ich hie leeren bin was natürlich vnnd nit görtlich/eyn zerstörliche sach vnzerstörlicher zemachen mit der hilff des schöpfers aller creaturen/on welches hilff nichts gesein / geschehen od vollendet mag werden.

Das eilffte capitel welches dich

leret ein geringen modum zu distillieren circulariter on kossen/vnd on feur Quintam essentiam aufzuziehen on allen kossen.